

中
俄
界
記

爾河。德勒格爾河。有數源。其西南源曰帖爾米得河。出唐努山。沙威爾卡倫之東偏北三十八度三十分二十五里。沙威爾。卽舊圖之錫巴里也。在德勒格爾河口之西偏北二十三度四百六十里。帖爾米得河。東流會八小水。至沙威爾之東偏北十七度九十六里。有阿曼里卡倫水。自西南來會。阿曼里。卽舊圖之阿哈里。在沙威爾之東偏北九度三十分八十六里。水出卡倫之南偏西約四五十里。會一小水。東北流。經卡倫。又東北會帖爾米得河。二水既會。又東北流。受自東南來三小水。西北來二小水。又名阿曼里河。至阿曼里卡倫之北偏東三十四度八十二里。會自西北來之台里斯河。台里斯河。似卽張石州氏所言之伊克和羅河。其源與帖爾米得河。

源甚近。在沙威爾卡倫之正東十四里。北偏西流。又轉而東
北流。至沙威爾之北偏東三十五度一百三十七里。受自西
北來之呼克穆河。又東流十里。會自北來之穆連河。穆連河
源出烏闌台戛山。凡會八小水。南注台里斯河。又東偏南流
六里。受自東北來之遵哈爾戛那河。又東南流。與阿戛里河
會。二水既會。東偏北。又東偏南流。始名德勒格爾河。至阿戛
里卡倫之東偏北四十度三十分九十六里。受自東北來之
別里特斯河。即舊圖之托爾和里碩河也。源出哈喇薩爾得
克山南麓。在阿戛里卡倫之東偏北四十四度一百九十六
里。別里特斯河西南流。至別里特斯卡倫之北三十六里。受
自北來之庫音淖爾水。庫音淖爾。即舊圖之古音泊也。別里

特斯卡倫。舊作博爾圖斯。在阿曼里卡倫之東偏北二十六度三十分一百三十六里。別里特斯河。蓋以卡倫得名。又西南流。受北來四小水。南來三小水。至察罕布倫卡倫之北偏西二十五六里。注德勒格爾河。察罕布倫卡倫。卽舊圖之察罕布隆。在阿曼里卡倫之東偏北二十五度三十分一百里。德勒格爾河。又南流。至阿曼里卡倫之東偏南十九度三十分九十里。受自西南來之沙爾根河。又轉而東南流。至阿曼里卡倫之東偏南二十度三十分三百里。受自西來之布克

綏河

寅按布克綏河。一作布克隨河。又作布克誰河。

又東南注額德爾河。額德爾齊

老圖。德勒格爾三水既會。始有色楞格之名。色楞格河。又東偏北流。受自西南來二小水。自西北來三小水。至德勒格爾

河口之東偏北二十度一百三十七里。受自西南來之哈綏

河。

寅按一作哈隨河。一作哈瑞河。

哈綏河源出杭愛山北麓。尊莫都奈山口

之北。在河口之南偏西三十七度二百六十里。會五小水。東

北流。至河口之南偏西三十度一百四十里。右會自西南來

之池魯塔河。又東北流。至河口之南偏西二十度七十七里。

右會自西南來之哈尼穆河。哈尼穆河。卽舊圖之胡魯伊河。

舊作呼納衣。又作庫諾衣。

寅按本作查寧河。或一作瑚努伊河。

源出杭愛山北

麓。尊莫都奈山口之南。在哈尼穆河會哈綏河處之南偏西

三十度三十分二百四十五里。東北流。受自東南來一小水。

會哈綏河。二水既會。又東北注色楞格河。色楞格河。又東偏

北流。受自西北來二小水。自西南來五小水。至哈綏河口之

東偏北十五度三十分二百四十二里。會自西北來之額赫

河。一作鄂格果勒。○寅按一作鄂金闕勒。水道提綱作厄赫河。額赫河源出庫蘇古爾泊

泊之極北岸。在別里特斯卡倫之北偏東四十度二百八十

四里。極西岸為阿雷賽河入庫蘇古爾泊之口。在別里特斯

卡倫之北偏東三十一度二百二十四里。阿雷賽河即舊圖

之鄂爾坤賽爾河。源出別里特斯卡倫之北偏東三十七度

三十分一百里。北流約三四十里。左會自西南來一水。又北

流約十餘里。右會自東南來一小水。又北流。至別里特斯卡

倫之北偏東十九度二百一十里。分為二支。西支西北流。為

烏魯克穆河之源。東支東南流。入庫蘇古爾泊。泊之極南岸

即溢出為額赫河處。在別里特斯卡倫之東偏北二十五度

一百三十里。泊之南北兩岸。皆成銳角形。泊中偏南有兩洲。

東西相對。西曰達拉奎洲。東曰額里辛庫普遜洲。寅按圖僅有西洲。

泊南北二百四十里。東西濶處幾八十里。塞北大湖澤也。寅按

庫蘇古爾。一作呼孫古兒。處四山之中。湖岸多成絕壁。湖面拔高海面五千二百五十尺。額赫河自泊溢出。

南偏西流。過哈特勒卡倫之西。哈特勒。即舊圖之哈特呼爾。

在別里特斯卡倫之東偏北二十一度三十分一百三十里。

額赫河。又南偏西流。受自西北來四小水。至別里特斯卡倫

之東偏南十一度一百里。轉而東偏南流。受自西北來二小

水。自南來四小水。至額赫河口之西偏北二十度三十分一

百五十四里。自西北來之烏里河。會烏里河。即舊圖之巴圖

爾河。源出烏里河口之北偏西二十八度三十分四百三十

里古爾畢達班山曰烏倫貴河。南偏東流。受自東北來四小水。自西北來二小水。至烏里河口之北。偏西三十二度三十分。一百三十四里。有阿里河。自西北來入阿里河。源出阿里河口之西。偏南八度一百三十里。帖爾庫勒倭拉嶺西北麓。北偏西流三十五里。過阿里廟之東。右會自東南來一水。轉而北偏東流二十里。左會自西北來一水。又東北流四十五里。左會自西北來一水。轉而東南流。入烏里河。烏里河又東南流。受自東北來四小水。與額赫河會。二水既會。又東南流。受自北來三小水。與色楞格河會。色楞格河又東偏北流。左受自北來七小水。右受自南來四小水。至額赫河口之東。偏北二十度三十分。三百又六里。與自南來之鄂爾昆河會。色

楞格河至此入土謝圖汗部鄂爾昆河源出賽音諾顏旗

即賽音諾顏本旗蒙古古游牧記賽音諾顏本旗牧地富鄂爾坤河源是也杭愛山北麓在色楞格

鄂爾昆二水會處之南偏西四十一度七百五十里東北流

至源之北偏東三十五度一百二十里匯為烏格淖爾即張

德輝塞北紀行之悞吾竭腦兒舊圖作額歸泊

字皆一聲之轉腦兒即淖爾一聲淖爾自匯處東迤東西約三十里南北約

二十里自匯處之北偏東二十四度三十分六里許復溢為

水道向西偏北三十七度三十分流十里會自西南來之集

爾瑪台河集爾瑪台河鄂爾昆河之別源也出會處之南偏

西三十六度三十分一百八十里東北流三十五里會自東

南來一源又東北流與烏格淖爾溢出之水會二源既會又

寅按

向北偏東二十五度三十分流二十里至唐古特廟之西與
自西南來之塔米爾河會唐古特廟即額爾德尼招蒙古謂
佛寺爲招蓋大喇嘛寺之在鄂爾昆河旁者哲布尊丹巴初
駐牧於此。寅按今之哲布尊丹巴雍正十年額附策凌敗準
噶爾處也。寅按額爾德尼招蒙古語寶寺也地饒金銀礦故
名寺前有元至正梵書碑文猶可辨然考額爾德
尼招所在之地似非烏格淖爾北塔米爾河口東之唐古特廟
按策凌既敗噶爾丹又轉戰十餘次乃追至鄂爾昆河之杭愛
山其地右阻山左逼水道狹不容大衆又橫亘以額爾德尼招大
喇嘛寺賊無可逃是其地爲杭愛山麓鄂爾昆河上一險塞之
處可知若下至唐古特廟其地已屬平原且去杭愛山脈已遠
至二百餘里不可仍以杭愛山名之又證之德人所爲蒙古圖
載有額爾德尼招故址在鄂爾昆河上流東岸北去塔米爾河
會鄂爾昆河口一百七十六里其地南據杭愛東阻山西逼河
水與前所言戰地方位形勢相合則此圖所塔米爾河有二
載當可據而唐古特廟實非額爾德尼招矣。

源均出杭愛山北麓其南源在塔米爾河會鄂爾昆河處之

西偏南二十七度三十分二百一十六里。即歐陽元高昌契

氏家傳所言之和林河也。寅按歐陽元高昌契氏家傳曰和林

曰幹而汗。一經城西北流。曰和林河。一發西北東流。曰忽爾班

達彌爾。三水距城北三十里合流。又考德人蒙古圖。別有和林

河。西北流。與鄂爾昆河會後。又北會塔米爾河。兩會口相距約

四十里。和林河口西南數里有和林。即古和林城故址。當可據。

舊圖曰車爾里克河。又曰察罕鄂倫河。東北流至源之東偏

北三十七度一百五十六里。與北源會。北源出二源會處之

西偏南十七度三十分一百六十里。即高昌契氏家傳所言

之忽爾班達米爾河也。東北流會自西北來一源。又東偏北

流。受自南來一小水。又東過沙布克台卡倫北。又東與南源

會。二源既會。東流過烏蘭什布卡倫北。又東會鄂爾昆河。鄂

爾昆河既會塔米爾河。北偏東流。約一百七八十里。轉而東

北流。至塔米爾河口之東偏北四十二度三百三十里。與自

東南來之土拉河會。寅按土拉河圖作圖拉河。土拉河源出肯特山西麓。

在庫倫之東偏北三十四度三百里。西南流二十四里。會自

東來一小水。又西流十里許。會自北來二小水。又西南流。受

自東來二小水。至庫倫之東偏北三十三度二百二十六里。

會自北偏西來一源。又南偏西流百二十里。受自東來一水。

又西南流十里。受自東來一小水。又西南流十里。會自北偏

東來一水。寅按此水曰特勒兒濟河。又西南流轉而西流。寅按河之南岸即昭莫多地。康

熙三十五年。擊殲噶爾丹勒銘處也。過庫倫城南。寅按庫倫蒙古語城圈也。又名烏爾噶。

又西南流。至庫倫之西偏南二十九度二百七十里。受自東

南來之穆扈爾河。轉而西北流。至穆扈爾河口之北偏西二

十一度六十里。受自西南來之哈爾阿哈河。哈爾阿哈河。卽

舊圖之喀老哈河。寅按一作喀魯忒哈河源出杭愛山西北麓。在哈爾

阿哈河口之西偏南四十二度三十分二百三十里。東北流

六十里。左會自西南來一源。又東北流入土拉河。土拉河。又

北偏東流約八十里。轉而西偏北流。至哈爾阿哈河口之北

偏西三十九度一百三十里。有霍達森河。自西南來注。霍達

森河。卽舊圖之布爾克蘇特伊河。惟舊圖以布爾克蘇特伊

河爲喀老哈河之別名。蓋誤合二水爲一水也。布爾克蘇特

伊。又卽張德輝塞北紀行之畢兒紇都河。畢爾紇卽布爾克特卽都皆一之

也源出土拉河霍達森河合流處之西偏南三十三度三百

七十六里。賽音諾顏部內杭愛山。南流約四十餘里。會自西

北來一小水。又東南流約四五十里。會自北自南來各一水。轉而東北流。受自北來一小水。自南來一小水。至源之東偏南九度一百四十八里。流入土謝圖汗部內。又北偏東流約二百里。至烏蘭布什巴卡倫之南。轉而東偏北流。過霍達森卡倫之北。又東偏北注土拉河。二水既會。北流過穆斯特音哈達霍順山峽。峽長約十餘里。又北流。至霍達森河口之北偏東九度一百七十八里。受自東來之哈拉河。哈拉河有二源。北源曰通克勒河。寅按會典圖說作通克勒河。水道提綱作通勒河。南源曰魁河。演按水道提綱作魁河。通克勒河源出庫倫之東偏北三十九度三十分一。二十里肯特山支阜巴哈肯特嶺。北偏東流五十餘里。左會自西南來一水。轉而西偏北流。右受自東北來四小水。至庫

倫之東偏北十一度一百五十里與魁河會。魁河源出庫倫

之北偏西四十一度八十里察烏罕蓋山。東偏北流六十里。

左會自西來一水。又東北流。寅按應有所折而西北四字。與通克勒河會。二

水既會。西偏北流一百七十里。左受自南來之博羅河。又西

偏北流五十里。右受自東北來一小水。又西流三十里。左受

自東南來之察克圖勒河。寅按水道提綱作查克杜兒河。又西注土拉河。土

拉河又北與鄂爾昆河會。鄂爾昆河既會土拉河。又東北流

三十里。左受自西北來之布爾古勒台河。又東北流一百二

十里。左受自西北來之伊本河。又東北流六十四里。右受自

東南來一水。寅按此水名巴彥河。又東北流六十四里。右受自東南來

之奎通河。又北偏東流四十餘里。右受自東南來之伊羅河。

又北與色楞格河會。二大水既會。東北流三十里。右受自東
南來之伊畢其克河。又北偏東流五十五里。至鄂羅海圖界
牌之西七里許出界。又東北流二十里。過烏斯奇恰克圖之
西北。又北流。至恰克圖之北偏西二十四度三十分七十里。
受自西北來之真達河。寅按一作哲德河。又作者德河。真達河。卽舊圖之澤
德河源出恰克圖之西偏北十三度三十分六百一十里克
斯尼克圖山。東南流。會衆小水。行一百六十里。會自北來之
呼布推河。又東南流。過沙喇沙爾金卡倫之北。沙喇沙爾金
卡倫在恰克圖之西偏北二度四百八十里。真達河又東流
一百一十四里。會自北來之哈穆尼河。寅按一作喀木仰。又東流二
十六里。過哈穆尼卡倫之北。寅按圖本作哈穆奈卡倫。又東偏北流。過哈

喇采斯喀雅之北。哈喇采斯喀雅。爲有礮臺之處。在恰克圖之西偏北七度三十分二百六十二里。眞達河又東流。至熱勒圖刺卡倫之西北。受自西南之熱勒圖刺河。熱勒圖刺河。卽舊圖之澤勒圖勒河。寅按熱勒圖刺一作遮兒圖勒。源出界內。在恰克圖之西偏南八度三百五十五里。東偏北流。至恰克圖之西偏北六度三十分一百八十里。出界。又北偏東九度三十分十八里。入眞達河。卽熱勒圖刺卡倫之西北也。眞達河。又東偏北流。入色楞格河。色楞格河。又北偏東流。約百里。受自東南來之赤奎河。赤奎河口之北偏西十八度三十分十四里。有城鎮。名諾倭斜連金斯克。寅按圖作諾倭塞連金斯克。卽楚庫柏興故地也。異域錄。色楞格河。小清溜急。自西南向東北而流。楚庫河來自東南。流至柏興之南十里外。歸色楞格河。揆其道里。斯其地矣。自恰克